



09-07-2018

Inatsisartut suleriaasiani § 37 imm 1 naapertorlugu Naalakkersuisunut apeqquq imaattoq matumuuna saqqummiuppara.

Naalakkersuisunut apeqquq:

Kangerlussuup nunataani Tasersiap Tasersua iluaqutigalu, erngup nukiliorniarneq, kiisalu Maniitsup qeqertaani alumiinim-imik "Alcoap" aatsitsiviliorniarnernanik pilersaaruteqarsimaneq piviusunngorsinnaaneralu oqaloqatigeeqqinnissaq siunertaralugu nangissallugit Naalakkersuisut pilersaaruteqarnerlutik?

(Inatsisartuni ilaasorta, Siverth K. Heilmann Atassut)

Tungavilersuut:

Nunatsinni tatsit anginersaat Tasersiaq, ukiunilu tusind-ilinni kuuginnartup nukerujussuarmik mingutsitsinngitsumillu pilersiffigineqarsinnaasup saniatigut Nuup kangerluata qinguani tatsit iluaqutigalugit erngup nukiliorsinnaanerit periarfissaareerput.

Tassungalu atatillugu Maniitsup qeqertaata avannaa tungaani Alumiinium-imik aatsitsiviliornissaq, nunatsinni avataaniit aningaasaliinerit annersaasussaq 15 mia sinnerlugit missingersuusionerqarsimasoq unitsikkallarnerqarnikuuvoq

Pilersaarut innuttaasunik amerlanerussuteqarluartunik tapersorsorneqaraluartoq, Nunatsinni storskala-mik inatsisiliorneq isumaga malillugu ilaatigut politikikkut piluusaarneq akimmiffissalersuinerullu kingunerisaanik taamaatikallarnerqarnikuuvoq.

Pilersaarut sanaartorerullu nalaaniinnaq 3 – 5 tusind-it inuit sulisorinissaat naatsersuutaanikuuvoq, aatsitsivissarlu naammassiguni ukiuni 70 – 100 tikillugit suliffiit aningaasarsiorfissarpassuillu pilersinneqartussaapput. Aalisarnerup aatsitassarsiornerullu saniatigut Nunatta aningaasarpassuarnik isaatsinerisa saniatigut, suliffimmi kalaallit oqaasii pingaarnepaatut atornerqarnissaat siunertaanikuuvoq.

Taamaattumik pisariaqartipparput, inatsisartuni suliffissanik aningaasarsiorfissanillu ataavartunik pilersitsinissamik oqaluinnarata, avataaniik aningaasaleerusuttut pinngortitalllu nukinganik iluaquteqarneq iluaqutigalugu, pilersitserusunneq isumatuumik kinguaassattalu iluaqutigisinnaasaanik pilersitsiniarneq ikioqatigiiffigisigu.

Neriullunga apeqquqteqaatigisama ullut suliffiusut iluanni akineqarumaarlunga.